



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Komunikadu Imprensa

Municipiu Lautem

11 Agostu 2015

Povu suku Muapitine preukupa ho kazu inestu kontra labarik sira no husu atu kria artigu espesifiku

Iha 06 Agostu 2015, JSMP organiza treinamentu ba dala 3 kona-ba “Demokrasia no kna’ar Parlamentu iha prosesu halo Lei” iha Suku Muapitine, Postu Administrativu Lospolos, Municipiu Lautem. Treinamentu ne’e hetan partisipasaun másimu husi comunidade no estruktura suku sira. Total participantes ne’ebé partisipa iha treinamentu ne’e hamutuk nain 30; kompostu husi Feto nain 23 no mane nain 7.

Durante treinamentu comunidade sira senti preukupa tebes ho kazu inestu ne’ebe akontese dala barak iha nasaun Timor Leste. Tanba ne’e sira ejíje ba Parlamentu no Governu tenki kria artigu espesifiku hodi regula no fó kastigu ne’ebe makas ba autór krimi inestu sira hodi prevene kazu ne’e labele mosu tan iha futuru.

“JSMP konsidera ejíjensia comunidade kona-ba kazu inestu pertinenti tebes atu bolu atensaun públiku no liu-liu ba órgaun lezislador sira estadu nian atu kriminaliza aktu seksuál ho natureza inestu tanba krime ne’e perturba teb-tebes valores sosiedade no destroi relasaun sagradu familia nian,” dehan Diretór Ezekutivu JSMP, Luis de Oliveira Sampaio.

Iha okaziaun barak ona JSMP diskuti asuntu ne’e ho autoridade kompetente sira Estadu nian, atu sensível ho realidade ne’e. JSMP mós apresenta ona relatóriu submisaun ida ba Parlamentu Nasional no Governu atu konsidera hodi altera Kódigu Penál (KP) aktual atu inkorpora artigu espesifiku ida kona-ba inestu iha KP. Submisaun ne’e produs bazeia ba JSMP nia rezultadu monitorizaun iha tribunal sira no ALFeLa nia esperensia servisu forneselementu assistensi legal vitima sira.

JSMP konsidera ejíjensia comunidade atu governu no parlamentu tenki desimina informasaun kona-ba lei importante sira no fahe lei sira ne’ebe pública iha Journal da República ba to’o iha sira nia suku atu comunidade sira iha suku bele asesu ho livre.

Iha treinamentu ne’e Xefi suku Muapitine Sr. Acacio da Silva agradese no konsidera importante tebes prezensa JSMP hodi fahe informasaun no rekomenda ba JSMP atu hato’o mós comunidade sira nia preukupasaun ne’ebe husu estadu atu halo lei ida hodi kriminaliza hahalok amante

Rua setubal, Colmera, Dili Timor Leste
PoBox: 275

Telefone: 3323883

www.jsmp.tl

Facebook: www.facebook.com/timorleste.jsmp

Twitter: @JSMPtl

(*selingkuh*), *união-de-facto* (*kumpul kebo*) no poligamia ne'ebe la tuir kultura no reliziaun katolika nia prinsipiu ba parlamentu no guvernu.

.

Atu hetan informasaun kle'an favór kontaktu direktamente:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org

Landline: 3323883 / 77810637